




Attività realizzata col contributo della Regione Veneto con risorse del Ministero del lavoro e delle politiche sociali – Art. 72 D. LGS. 117/17 – Anno 2019



Orazio Bernardini
“Scarparolo”

originario di Brugine (Pd)

Il ricordo di un “viaggio” lungo i fossi, per andare a trovare il nonno, di un bambino di otto anni che oggi ne ha quasi ottanta. Il fosso e il viaggio, diventano il filo conduttore di un pezzetto di vita d'altri tempi che Orazio ci regala con questo bello scampolo di lingua veneto-padovana



La vecchia grande casa di Nonno Natale (che non esiste più) in una tempera di Oddone Quaggio, originario di Brugine (Pd)

SCAO E SCHIA, VIAJO PAR FOSSI DA I ARZARINI A BRUSAURE

Da i Arzarini de Bruxene fin Brusaùre de Bovolenta pa 'ndare da nono Nadae, co jero puteo, in 'tel 1948

Da puteo, partivo da i Arzarini, frassion de Brusene nea provincia de Padoa e **caminando drio el fosso dea strada che n'dava verso ea ceseta de i Arzarini par 'ndare a catare me nono Nadae.**

Passavo davanti ea bote-ga de Vidae (osteria e generi alimentari della Famiglia Vidale n.d.r.), pa che i tempi na roba grande, anca se solo de venti metri quadri. Prima de rivare a ea ceseta dei Arzarini, giravo a sinistra dove ghe stava i Toni Calo (Famiglia Ancona n.d.r.). Passavo el ponte del Scao (Scolo Altipiano n.d.r.), on fosso grande che ghe coreva tacà na stradina longa che no ea finiva mai, rivavo in fondo dove ghe stava ea Nea (Famiglia ... n.d.r.).

Qua catavo on troso e girandoghe torno rivavo ai campi del nono Nadae Piseo (Natale Picello n.d.r.). Ghe jera na caresà longa co, parte pa parte dei ragni de vegne. In fondo catavo on ponteseo de pìere, fato a volta, che me portava in corte dea casa Granda co' i porteghi dove i meteva i cari pieni de fen. Casa granda. Cusina granda. Gran foguearo co' el caliero sempre pronto par far ea poenta. Me nono Nadae gheva on gran orto che confinava co ea Schia (Scolo Schilla n.d.r.). Anca questo on fos-

so grande. Ma pi piccolo del Scao. E da rente ghe jera el loamaro e dee gran piante de nogara e parfin na vegna de ua moscata.

Me nono Nadae gaveva tanti fioi, diese vivi e tre morti picinini, che in tuti i saria sta ben tredese.

Me ricordo ben me zia Maria Piseo che, rivà a i tempi nostri ea ga vissuo pi de 90 ani. So mario Joanin “Frapiero”, me zio, eo chiamavo roccia, parchè grande e forte. I gaveva on fioeo che se ciama Efrem e che desso dirissimo che'l sia vivace ma aeora se diseva che el fosse “discolo”. E me ricordo, ma podaria sbaliare vista ea me età, che a diese ani, par indrissarlo i lo ga mandà in coejo a Possagno. Cossi el xe “vegnù ben”.

Staltro me cùgin, che me ricordo, el se ciama Redento, fio de me barba Anselmo Piseo e dea Rina de i Toni Calo e questo el xe diventà on gran intenditor de vin. Mi so diventà vecio, vago verso i 80, ma so' contento. Speta, speta, me desmentegavo:

el di' del Santo Nadae me nono, che el se ciamava Nadae parchè proprio in ch'el di el jera nato, el me dava ea mancia disendome “daghei a to mama (Elena Picello n.d.r.) che ea te toga i noni”, cussi jera ciamà na specie de pantofoe, on gran lusso pa chei tenpi! **Tenpi che 'ndavo scuoee: prima, seconda e tersa tuti insieme. In te na camara de na casa. Da Vido ai Arzarini.** Ogni puteo, da casa, se portava na soca pa metarla in te la stua par scaldarse.

E par gabineto... el fosso fora dea porta! Ragassi. For- sa e corajo. Ea andarà tuto ben. Ma bisogna cambiare registro, a incominciare da inquinare de manco ■

